

PRÆLECTIONES ACADEMICAS  
PUBLICAS AC PRIVATAS

Per instans semestre aestium  
Deo benedicente habendas

ALMAE LVDOVICIANAE

RECTOR

IOANNES GEORGIUS

LIEBKNECHT,

MATHEMATVM P. P. ET ORD.

indicit, & ad eas sedulò inuisendas Ge-  
nerosos ac Nobilissimos omnium Fa-  
cultatum Studiosos peramanter  
inuitat.

---

GISSAE - HASSORVM,

Typis VIDVAE IOH. REINH. VVLPII, Acad. Typogr.  
Anno MDCCXVII.

# INFACVLTATE THEOLOG.

## JOANNES CHRISTOPH. BIELEFELD,

Prof. Theol. Prim.

POSTquam in *Publicis* Lectionibus difficiliore textus Evangelii Joannis enodavit, nunc ad Acta Apostolorum progredietur, & methodo. hactenus consueta, institutionem & Praxin homileticam simul junget. In *Privatis*, per duas horas singulis septimanis, ex *Historia Ecclesiastica* eam, quæ *Reformationis negotium* concernit, tanquam utilissimam partem tractabit; reliquis tribus horis, pro voto nonnullorum, *Theologiam Biblicam*, in qua omnia credenda & agenda è Cardinalibus S. Scripturæ Dictis demonstrantur & probantur juxta ordinem totius cursus Theologici, inchoabit.

## IO. HENRICVS MAIVS,

S. Theol. D. & Prof. Ord.

IN Oeconomia sua Temporum explicanda absolvet, DEO dante, quae in Epistolis Paulinis atque Canonicis restant. Addet tamen etiam unum alterumue librum S. Ebraei Codicis; & cum Iubileum Ecclesiae, quae a repurgatis per D. *Lutherum* sacris nomen habet, hoc anno passim celebrari cum aliqua solennitate soleat, Auditorum fitorum animos excitare studebit ad aestimanda DEI munera, eaque facta & gesta servanda. Quo nomine vel repetitionem breuiem instituet vniuersae salutaris doctrinae per Lutherum restituae, vel prodrōmum eius fiet, publicis disputationibus; vt *antiqua Hessorum Fides Christiana & vera*, contra quosuis maleuolos obtrectatores, ostendatur.

## JOH. BARTHOLOMÆUS RÜDIGER,

D. & Prof. Ord.

DEO sospitante, *publicas* in *Celeberr. Dn. D. Buddei Theologiam moralem* lectiones, hora III. pomerid. continebit: quæque ex *privatis*, de *Statu Peccati & Gratia*, restant, insumendo plures horas, *theatice* absolvet. Neque etiam *polemica* tractandi, si tempus, numerusq; *Dnn. Auditorum* concesserit, quantum in se erit, ullam occasionem pratermittet.

CHRIST.

# CHRISTOPH. LUDOV. Schwarzenau

Th. D. & Ordin. Professor.

**C**lem. annuente D. T. O. M. publicè præleget in insertam Theologico suo Cursui sacram Canonologiam; ast in ejusdem & theses & annexas quaestiones instituet priuatum Collegium: Item, si Theologia Fanaticis opponenda, systematicâ methodo quibusdam Exercitationibus exhibenda, nec non in singulis hebdomadis aut semel aut bis exponenda desideraretur, haud appetituris aberit.

## IN FACULTATE JURIDICA,

BERNH. LUDOV. MOLLENBEC,

Consil. Hass. Darmst. Acad. Cancellarius & Prof. Primarius,

**J**us Publicum & Pandectas exponet, ac, quacunque alia ratione poterit, commoda Studiose Juventutis promovebit.

MELCH. DETHMARIUS GROLMAN,

J. C. Consil. Hass. Darmstad. & Prof. Jur. Ord.

**P**ublice, præcipuos Const. Carol. Articulos explanabit, privatim Collegia quæ habet, continuabit, nova quoque, pro desiderio DD. Studiosorum aperiet.

LUCAS FRANZ,

J. U. D. & P. P. nec non Judicii Aulici, quod est Marburgi,

Assessor & Consiliarius.

**P**roximo semestri æstivo DEO volente in lectionibus publicis ea, quæ adhuc restant, absolvere conabitur, Privatim Collegium Pandectarum vel ad jus feudale offert, & in aliis noviter inchoandis desideriis Dnorum Commilitonum non deerit.

IMMANUEL WEBER,

J. U. D. Consil. Hassiæcus, Jurium Prof. P. Ord.

**P**ublicè in Paræmiis Juridicis explicandis perget. Privatim Institutionale Collegium novum aperiet, Juris Natura Principia ex Pufendorffii Officiis tradet; & commodò tam Theologiæ quam Juris Studiosorum Commentationi, ab se superiori anno editæ, de eo, quod justum est circa Cognationes in Nuptiis, uberiores explicatio- nes impendet.

JOH. HENRICVS MOLLENBECIUS,

J. U. D. Prof. Extraord.

**I**N *Publicis Lectionibus* hora octava matutina in explicandis celebrioribus problematibus juris civilis secundum ordinem Digestorum progredietur & *privatim* vel *institutiones* præleget, vel aliam juris partem interpretabitur, prout vota atque utilitas Dn. Auditorum desideraverint.

IN FACULTATE MEDICA,

JOH. CHRISTOPHORUS HERTIUS,

Med. D. hujusq; Prof. & Archiater Hasso • Darmst. Primar.

**U**bi otium aulicum ipsi permittet versari in Academia, non deerit, si quacunque ratione Philiatorum conatus promovere poterit.

JUSTUS FRIDERICUS DILLENIUS,

Med. Doctor, ejusdemque P. P. Ord. & Coll. Med. Senior.

**C**um ob temporis angustias & obstacula alia *Purgantium doctrinam atque usum* Practicis junioribus tam utilem quam cognitu necessarium hieme præterita absolvere nequiverit, eandem doctrinam instante semestri aestivo reassumet, ac *publicis Prælectionibus*, modò sedulos Auditores habuerit, bono cum DEO ad finem perducere studebit. In *privatis* autem voto ac desiderio Dni, Philiatorum satisfacere conabitur.

D. MICH. BERNHARD. VALENTINI,

*Archiater. Hasso-Darmstadt. & P. P. Ord.*

**M**edicinam Nov-antiquam, privatim hætenus expeditam, in *Lectionibus Publicis* æstivis repetet & disputationibus circularibus ventilabit: *Privatim* Materiam Medicam & methodum præscribendi formulas tractaturus.

D. JOH. CASIMIR. HERTIUS, P. P. O.

**I**N horto denuò versabitur, id publicè hora pomer. III. a Turus ut plantarum & maximè quidem usualium vires exponat, Privatim ad Chirurgiam progredietur, postquam ea, quæ ex anatomia præmittenda erant, ad finem perduxit.

D. IO. MELCHIOR VERDRIES,

*Med. PP. Extraord.*

**P**ublice, hor. I. pomerid. absolutis iis, quæ in *Methodo medendi* adhuc exponenda supersunt, *Diateticam* præleget. *Privatim* Institutiones explanabit & ad veram *Theoriam Medicam Nobiliss.* Dn. Dn. Commilitones fideliter manuducet. Nec, si *Praxin specialem*, vel doctrinam de *Compositione medicamentorum extemporanea* exponi sibi desideraverint, votis ipsorum non occurret.

JOH. THOMAS HENSING,

*Med. D. & Prof. Extraordin.*

**H**Orarum publicarum matutinam VIII. *Historiæ ac Theoriæ Artis Chymicæ* consecrabit. *Privatim* vero ejus *Praxin*, ad *Normam*, quam *Programmate Germanico*, publicæ luci exposuit, solidè demonstrare conabitur. Præterea *Medicinæ Cursum*, nuper cœptum, continuare & *Physiologiâ*, ad finem, bono cum *DEO*, perductâ, *Pathologicam Doctrinam*, è genuinis fontibus haustam, tradere, statutum cum animo ac deliberatum habet.

IN FACULTATE PHILOSOPHICA,

MICH. BERNHARDUS VALENTINI,

*Philosophiæ Experimentalis P. P. O.*

**E**xpeditis iis quæ in *Historia Animalium Anatomica* adhuc restant, in *Lectiōibus publicis* anatomia plantarum, juxta methodum *Malpighii* docebit. *Privatim* in *Collegio Experimentalis Curioso* *Armamentarium suum artis & naturæ* explicabit novisque *machinis omnia* demonstrabit.

JOH. HENRICUS MÖLLENBECIUS,

J. U. Doct. & Prof. Civil. Ordin.

**L**ectionibus publicis specimen prudentiæ analyticiæ proponet, atq; è diuersis Reip. Romano-Germanicæ innovationibus præcepta prudentiæ civilis genuina eruendi, methodum ostendet. *Privatim explicatorium* habebit & addet, de *ratione Status Collegium*, aut etiam præparatorium sive introductorium in *notitiam juris publici* magno Dn. Studiosorum emolumento, prout DEUS Optimus Maximus eorum vota diriget, atque laboribus benedicet.

IMMANUEL WEBER,

J. U. D. Historiarum Prof. Publ. Ordin.

**P**ublicè *Paræmias Historicas* recenset, *Privatim* continuabit Prælectiones ad Libellum der *Deutsch & Europäischen Staats Historie*; præterea tam in Juridicis, quam in Historicis studiis ad desideria Dn. Auditorum se accommodaturus.

MATTHIAS NICOL. KORTHOLT,

Eloq. & Poës. Prof. Ord. Acad. Biblioth. Præfectus.

**D**iebus Lunæ & Martis ex Orationibus Ciuilibus, quas celeb. Cellarius post editionem Bataviam & Lipsiensem recognouit, selectiores Liuii; diebus vere Iouis & Veneris Eobani Hessi de causa Lutheri Elegias septem in vsus eloquentiæ ligatæ hora matutina VIII. publice interpretabitur. Quin etiam dabit operam, vt qui per complures annos non patuit, secundum statuta Mercurii diebus ad publicam Bibliothecam aditus aperiatur. *Privatim* iterum instituet expetitum Collegium stili epistolicum & oratorium practicum, curaturus, vt orationes, quas in illo non paucas elaborant, publice quoque recitent eloquentiæ cultores, quorum desideriiis muneris sui partibus in omibus DEO fauente diligenter & fideliter aderit.

## IO. GEORG. LIEBKNECHT,

Mathematicum Prof. P. &amp; Ord.

**I**N quantum Rectoratus negotia permittent Geographiam suam  
 & generalem explicabit; priuatim vero vel quoad omnes ma-  
 theseos scientias ab initio inchoandas, vel quoad vnā alteram-  
 ue partem, sigillatim cognoscendam, sese Dn. Auditorum votis ac  
 desiderijs prōmptum & paratum exhibebit.

## IO. HENRICVS MAIVS, F.

Antiquitatum &amp; Linguae Graecae, Orientaliumque P. P.

**P**ublice, aut Noui Testamenti, feliciter nuper absoluti, exposi-  
 tionem denuo adgredietur, aut alium quemuis scriptorem Grae-  
 cum, siue sacrum, siue profanum, interpretabitur. *Priuatim* Sy-  
 riacam linguam cum Samaritana instillabit, atque hinc ad reliquas,  
 quae supersunt, progredietur. Antiquitates etiam vel Romanas,  
 vel Ebraicas, prout libitum auditoribus fuerit, exponet. Docet pu-  
 blice hora III.

## D. IO. MELCHIOR VERDRIES,

*Phil. Natural. P. P. Ordinar.*

**P**ublice hora I. pomerid. Vsum Philosophiae Naturalis latius vr-  
 dique per omnes disciplinas se diffundentem commemorabit.  
*Priuatim* in Institutionibus Physicis, quas nuper denuo explicare  
 & illustrare coepit, sedulo perget. Nec deerit, si Nobiliss. Dn.  
 Dn. Commilitones, peculiaria, selecta quaedam praestantissimae  
 huius scientiae capita accuratius euolui sibi ac dilucidius expediri,  
 aut Disputationibus, siue publicis siue priuatis, exerceri voluerint.

## JOANNES GOTTERIDUS MEIER,

I. U. D. Ph. Pr. P. P. O.

**U**bi cum iis, quae ex doctrina Morali, explicanda supersunt  
 ad finem fuerit ventum, per reliquum instantis, aestivi semestris  
 spatium, GEORGICA animi, discursibus *publicis*, hora II, illustra-  
 bit.

bit. *Privatim* vero COLLEGIUM ETHICUM hora X. nec non aliud in JURISPR. UNIVERSALEM hor. III. aperiet, itidemque finito quod singulis Mercurii & Sabbathi diebus horis X. & XI. hatur, COLLEGIO DISPUTATORIO IN JUS NATVRÆ, illud denotio auspicabitur, singulaque quantum in se est, hoc semestri ad finem perducere laborebit, de cetero, honestis Dnn. Commilitonum desideriis, quocumque poterit modo, velificaturus.

## JOH. CONRADUS ARNOLDI,

Logicæ & Metaphysicæ Prof. Ordin.

**L**ectionum publicarum B. c. D. exordium facturum, Historiam Philosophiæ pertextet, eiusque fata per ætates digesta, prisca cum novis conferendo, enarrabit. Privatas vero Lectiones ad Cursum Tabellarum Rudrauffianarum accommodabit, & inutilibus atque otiosis in *Prima & Organica Philosophia* questionibus rescissis, cetera Præcepta usui in superioribus Disciplinis necessario tribuantur & applicentur, seaque opera desiderio ac diligentia Nobilissimorum cuiuscunque Facultatis Dnn, Studiosorum commode inserviat.

